

Na osnovu člana 13. stav (2) alineja 17. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 25. stav (1) alineja 17. Statuta Grada Tuzle (“Službeni glasnik Grada Tuzle”, broj 6/21 i 4/25) i člana 169. Poslovnika Gradskog vijeća Tuzla (“Službeni glasnik Grada Tuzle”, broj: 5/22, 14/24 i 5/26), Gradsko vijeće Tuzla, na sjednici održanoj 23. 6. 2026. godine, donosi

ODLUKU
o dopuni Poslovnika Gradskog vijeća Tuzla

Član 1.

U Poslovniku Gradskog vijeća Tuzla (“Službeni glasnik Grada Tuzle”, broj: 5/22, 14/24 i 5/26) u članu 22. iza stava (2) dodaje se novi stav (3) koji glasi:
„Dva li više samostalnih vijećnika mogu formirati klub samostalnih vijećnika.“

Član 2.

Ova Odluka stupa na snagu narednog dana od dana objavljivanja u „Službenom glasniku Grada Tuzle“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Gradsko vijeće
Broj: 01/04-A-9430-2026
Tuzla, 23. juna 2026. godine

PREDSJEDAVAJUĆA

Ana Pejić, BA prava

OBRAZLOŽENJE

Pravni osnov za donošenje Odluke

Pravni osnov za donošenje ove Odluke je član 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), član 25. stav 1. alineja 17. Statuta Grada Tuzle („Službenik glasnik Grada Tuzle“, broj 6/21 i 4/25) i član 169. Poslovnika Gradskog vijeća Tuzla („Službeni glasnik Grada Tuzle“, broj 5/22, 14/24 i 5/26).

Odredbom člana 13. stav 2. alineja 17. Zakona o principima lokalne samouprave u Federaciji Bosne i Hercegovine, propisano je sljedeće:

Gradsko vijeće u okviru svojih nadležnosti:

...

- donosi svoj poslovnik o radu.

Identičnu odredbu sadrži i član 25. stav 1. alineja 17. Statuta Grada Tuzle.

Odredbom člana 169. Poslovnika Gradskog vijeća Tuzla, propisano je sljedeće;

„Izmjene i dopune ovog Poslovnika se vrše po postupku istom kao i za njegovo donošenje.“

Razlozi za donošenje Odluke

Važećim odredbama Poslovnika Gradskog vijeća Tuzla nije predviđena mogućnost da dva ili više samostalnih vijećnika formiraju klub vijećnika, iako takvi vijećnici predstavljaju legitimno izabrane predstavnike građana i učestvuju u radu Gradskog vijeća sa istim pravima i obavezama kao i ostali vijećnici.

Predloženom izmjenom Poslovnika omogućava se da dva ili više samostalnih vijećnika formiraju klub samostalnih vijećnika, čime se unapređuje ravnopravnost svih vijećnika u ostvarivanju njihovih prava u radu Gradskog vijeća. Na ovaj način samostalnim vijećnicima omogućava se organizovanje djelovanje, efikasnija koordinacija rada, zajedničko zastupanje stavova i lakše ostvarivanje prava koja Poslovnik vezuje za postojanje kluba vijećnika. Predloženo rješenje omogućava adekvatniju zastupljenost političkih stavova i interesa građana koje predstavljaju samostalni vijećnici. Istovremeno, formiranje Kluba samostalnih vijećnika ne utiče na postojeća prava drugih klubova vijećnika.

Ovakvo rješenje prisutno je u brojnim predstavničkim tijelima u Bosni i Hercegovini jer se pravo na formiranje kluba ne vezuje nužno za pripadnost političkoj stranci, već za potrebu organizovanja vijećnika radi efikasnijeg rada predstavničkog organa

S obzirom na navedeno, predlaže se usvajanje Odluke o dopuni Poslovnika Gradskog vijeća Tuzla.

PREDLAGAČ: Kolegij Gradskog vijeća

OBRADIVAČ: Stručna služba Gradskog vijeća